

Allannguutissatut siunnersuut  
uunga

**Uunga siunnersuut: Tapersiissutitalimmik inissialiortiternermut taarsigassarsititsisarneq pillugu  
Inatsisartut inatsisaat nr. xx, xx. xxx 2019-imeersoq**  
(Oqaatsitigut naqqiut)

Aappassaanneerinissamut Naalakkersuisunit saqqummiunneqartoq

§ 1

1. *Kapitel 9* imatut oqaasertalerneqarpoq:

**”Kapitali 9**

*Taarsigassarsiat erniaqanngitsut akilersugassaanngitsullu piffissaq annikilliartuaarfissaat*

§ 32. Taarsigassarsianut erniaqanngitsunut akilersugassaanngitsunullu, ukiuni 33-ni annikilliartuaartussatut piumasaqaateqarfiullutik tunniunneqartunut piffissaq annikillisitsiartuaarfissatut aalajangiunneqartoq, ukiunut 20-nut allanngortinneqarpoq. Piffissap annikillisitsiartuaarfissap sinnera 20/33-mut iluarsillugu sivikillisinneqassaaq ukiumullu ilivitsumut qaninnerpaamut akunnaallisarneqassalluni.

*Imm. 2.* Tamatuma kingorna taarsigassarsiat erniaqanngitsut akilersugassaanngitsullu taarsigassarsianut piffissarititap sivikillisap ingerlanerani ukiut tamaasa amerlaqatigiinnik, siullermeertumillu piffissamut 1. januar 2020-miit 31. december 2020-mut, 31. december 2020-mi annikillisikkiartuaarneqassapput.”

Allannguutissatut siunnersuummut nassuiaat

**Nassuiaatit nalinginnaasut**

Danskisuuani ”nedskrivning” tassunga atatillugu eqqortusoq atornagu, oqaatsip ”afskrivning” kukkulluni atornerqarnerata paasineqarnera tunngavigalugu allannguutissatut siunnersuut saqqummiunneqarpoq.

Siunnersuutip kalaallisoortaata danskisuuatalu oqaatsitigut taamaalillutik erseqqissuunissaat siunnersuummi qulakkeerneqarnissaa siunertarineqarpoq.

Siunnersuutip kalaallisoortaani allanngortoqannginnissaa allannguutissatut siunnersuutip kingunerissavaa.

**Allannguutissatut siunnersuummi aalajangersakkanut ataasiakkaanut nassuiaat**

§ 1-imut

Nr. 1-imut

UKA 2019/141

IAN – Suliap nr.: 2019 - 2647

## Imm. 1-imut

Taarsigassarsiat erniaqanngitsut akilersugassaannngitsullu ingerlasut ukiuni 33-ni annikilluartuartinneqartarnerisa allanngortinneqarnissaa, taamaalillunilu piffissap annikillisitsiartuurfissap ukiunut 20-nut sivikillineqarnissaa, siunnersuutigineqarpoq. Siunnersuummi tapersiissutitalimmik inissialiortiterneq pillugu Inatsisartut peqqussutaat 1992-imeersoq aamma 2007-imeersoq tunngavigalugit nammineerluni illulianut illunullu sanaqataaffiusunut taarsigassarsiarititat pineqarput.

Siunnersuut illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersumi §9-mut atasutut isigineqassaaq. Illunut sanaqataaffiusunut kommunitut taarsigassarsiarititat piffissaq annikillisitsiartuurfiususaaq ukiunik 20-nik sivilissuseqarpoq.

Piffissaq annikillisitsiartuurfiususaaq 20/33 atorlugu naligiimmik sivikillisinneqassaaq. Taarsigassarsiani ingerlasuni piffissaq sivikillisitsiartuurfiususaaq ukiunik qulinik sivilissuseqarpat, ukiunut arfinilinnut sivikillisinneqassaaq.

## Imm. 2-imut

Taarsigassarsiat erniaqanngitsut akilersugassaannngitsullu 1. januar 2020 aallarnerfigalugu naatsorsorneqassapput. Tamatuma kingorna akiitsut sinneri naatsorsorneqartut piffissap annikillisitsiartuurfissap sivikillisap ingerlanerani aammalu siullermeertumik piffissamut 1. januar – 31. december 2020 annikillisikkiartuurfissusaaq.